

遼史拾遺
五





遼史拾遺

(上)

撰 龔 履

編主五雲王

編初成集書叢

種 一 他 其 及 志 遼
冊 五

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

張平

遼史拾遺卷十八

表第八屬國表

渤海。

文獻通考曰。渤海本粟末靺鞨附高麗者。姓大氏。俗謂王曰可毒失。對面呼聖主。箋表呼基下。梁開平元年。王大諲譔遣王子來貢方物。後唐同光三年及天成元年。俱遣使入貢。進兒口女口。先是契丹大首領耶律阿保機兵力雄盛。東北諸蕃多臣屬之。以渤海土地相接。常有并吞之志。是歲。率諸蕃部攻渤海國。夫餘城下之。改夫餘城爲東丹府。命其子突欲留兵鎮之。○松漠紀聞曰。渤海國去燕京。女真所部皆千五百里。以石累城足。東竝海。其王舊以大爲姓。右姓曰高。張、楊、竇、烏、李。不過數種。部曲、奴婢無姓者。皆從其主。婦人皆悍妒。大氏與他姓相結爲十姊妹。迭幾察其夫。不容側室及他遊。聞則必謀寘毒死其所愛。一夫有所犯。而妻不之覺者。九人則羣聚而誦之。爭以忌嫉相誇。故契丹女真諸國皆有女倡。而其良人皆有小婦侍婢。唯渤海無之。男子多智謀驍勇。出他國右。至有三人渤海當一虎之語。契丹阿保機滅其王大諲譔。徙其名帳千餘戶於燕。給以田疇。捐其賦入。往來貿易。關市皆不征。有戰則用爲前驅。○契丹國志曰。渤海螃蟹紅色。大如椀。螯巨而厚。其跪如中國蟹。螯石舉。魷魚之屬皆有之。

回鶻。

王溥唐會要曰。貞元五年。回紇使李義進請因咸安公主下降。改紇字爲鶻字。蓋欲誇國俗俊健如鶻也。○五代會要曰。回鶻本牙在天德西北娑陵水上。距長安六千九百里。唐天寶中。安祿山犯闕。有助國討賊之功。累朝尙主。會昌初。其國爲黠戛斯所侵。部族擾亂。乃移帳至天德。振武間。又爲石雄。劉沔所襲。破之。復爲幽州節度使張仲武所攻。餘衆部曲奔歸於吐蕃。吐蕃處之甘州。其後時通中國。世以中國爲舅。朝廷每賜書詔。亦嘗以甥稱之。○松漠紀聞曰。回鶻自唐末浸微。本朝盛時。有入居秦川爲熟戶者。女真破陝。悉徙之燕山。甘涼瓜沙舊皆有族帳。後悉羈縻於西夏。唯居四郡外地者。頗自爲國。有君長。其人卷髮深目。眉修而濃。自眼睫而下多虬鬚。土多瑟瑟珠玉。帛有兜羅絲。毛氈。絨錦。注絲。熟綾。斜褐。藥有臙膂。臙砂。香有乳香。安息。篤耨。善造寶鐵刀劍。烏金銀器。多爲商賈於燕。載以橐駝。過夏地。夏人率十而指一。必得其最上品者。賈人苦之。後以物美惡雜貯毛連中。毛連以羊毛緝之。單其中。兩頭爲袋。以毛繩或綫封之。有甚麤者。有間以雜色毛者。則輕細。然所征亦不貲。其來浸熟。始厚賂稅吏。密識其中下品者。俾指之。尤能別珍寶。蕃漢爲市者。非其人爲僧。則不能售價。奉釋氏最盛。共爲一堂。塑佛像其中。每齋必刲羊。或酒酣。以指染血塗佛口。或捧其足而鳴之。謂爲親敬。誦經則袈裟作西竺語。燕人或俾之祈禱。多驗。婦人類男子。白皙著青衣。如中國道服然。以薄青紗羃首而見其面。○契丹國志曰。回鶻豆高二尺許。直榦有葉無旁枝。角長二寸。每角止兩豆。一根才六七角。色黃。味如

栗。党項。

册府元龜曰。黨項其種有巖昌、白銀狼。東接臨洮。西距葉護。南北數千里。處山谷間。每姓別爲部落。大者五千餘騎。小者千餘騎。○五代史曰。党項。西羌之遺種。其國在禹貢析支之地。東至松州。西接葉護。南界春桑。北鄰吐渾。有地三千餘里。無城邑而有室屋。以毛罽覆之。其人喜盜竊而多壽。往往至百五六十歲。其大姓有細封氏、費聽氏、折氏、野利氏、拓拔氏爲最彊。

波斯國。

唐會要曰。波斯國在京師西一萬五千三百里。戶數十萬。俗事天地日月水火諸神。西域諸故事。火祆者。皆詣波斯受法焉。以六月一日爲歲首。地多名馬。又多駿犬。今所謂波斯犬也。○册府元龜曰。波斯國。其先有波斯匿王者。子孫以王父字爲氏。因爲國號。

濊貊國。

册府元龜曰。濊貊國。南與辰韓。北與高句麗。沃沮接。東窮大海。朝鮮之東。皆其地也。

大食國。

册府元龜曰。大食國在南海中。其國男夫黑色多鬚。鼻長而大。似婆羅門。婦人白皙。亦有文字。出駝馬。驢。騾。殺羊等。其馬大於諸國。兵刃勁利。其俗勇於戰鬪。合事天神。而土多沙石。不堪耕種。惟食鳥獸等。

肉。

日本國。

文獻通考曰。倭在韓及帶方郡東南大海中。大較在會稽。東冶之東。與朱崖。儋耳相近。後稍習夏音。惡倭名。更號日本。言國近日所出。以爲名。宋雍熙元年。本國僧裔然與其徒五人浮海而至。獻銅器十餘事。并本國職貢。今年代紀各一卷。裔然書曰。國中有五經書及佛經。白居易集七十卷。並得自中國。土宜五穀而少麥。交易用銅錢。文曰乾文大寶。畜有水牛。驢。羊。多犀象。產絲蠶。多織絹。薄緻可愛。樂有中國。高麗二部。四時寒暑。大類中國。國之東境接海島。夷人所居。身面皆有毛。東奧州產黃金。而別島出白銀。以爲貢賦。國王以王爲姓。傳襲至今。王六十四世。文武寮吏皆世官。

新羅國。

契丹國志曰。新羅國在高麗東。本漢時樂浪地。其言語名物。有似中國人。名國爲邦。弓爲弧。賊爲寇。行酒爲行觴。相呼皆爲徒。文字甲兵。同於中國。選人壯健者。悉入軍。每月且相賀。王設宴會。班賚羣官。有大事則聚官詳議定之。田甚良沃。水陸兼種。服色尙素。婦人辮髮繞頭。以雜綵及珠爲飾。婚嫁惟酒食而已。輕重隨貧富。○文獻通考曰。新羅其先本辰韓種也。辰韓始有六國。稍分爲十二。新羅其一也。初曰新羅。或曰斯羅。其國在百濟東南五百餘里。亦在高麗東南。兼有漢時樂浪郡之地。東濱大海。其人雜有華夏。高麗。百濟之屬。兼有沃沮。不耐韓濊之地。後唐同光元年。王金朴英遣使來朝貢。

吐蕃。

册府元龜曰。吐蕃在長安之西八千里。本漢西羌地也。後魏神瑞初。南涼秃髮樊尼率衆西奔。濟黃河。逾積石。於羌中建國。開地千里。以秃髮爲國號。語譌謂之吐蕃。其後子孫繁昌。又侵伐不息。土宇漸廣。唐高宗時。吐蕃盡牧羊同黨項及諸羌之地。東與涼、松、茂、巂等州相接。南至婆羅門西。又攻陷龜茲。疏勒四鎮。北抵突厥。地方萬餘里。自漢魏以來。西戎之盛。未之有也。○五代史曰。吐蕃國地。君世部族。名號物俗。見於唐著矣。至五代時。吐蕃已微弱。回鶻、黨項諸羌夷。分侵其地。而不有其人民。值中國衰亂。不能撫有。惟甘、涼、瓜、沙四州。常自通於中國。甘州爲回鶻牙。而涼、瓜、沙三州將吏。猶稱唐官。數來請命。沙陀突厥。

册府元龜曰。沙陀突厥在甘州。習俗左老右壯。溷雜男女。略與吐蕃同。其悍捷便弓馬勝之。鞞鞞。

五代史曰。黑水鞞鞞本號勿吉。其國東至海。南界高麗。西接突厥。非鄰室韋。蓋肅慎氏之地也。其衆分爲數十部。而黑水鞞鞞最處其北。尤勁悍。無文字之記。其兵角弓楛矢。

鐵驪。

通典曰。鐵勒之先。匈奴之苗裔也。種類衆多。自西海之東。依據山谷。往往不絕。並有君長。屬東西兩突厥。隨水草流移。人性兇忍。善於騎射。貪婪尤甚。以寇抄爲生。近西邊者。頗爲藝植。多牛羊而少馬。突厥

國有東西征討。皆資其用。以制北荒十六國。慕容垂時。北塞後魏末。河西並云有敕勒部。鐵勒蓋言譌也。

鶻案。金史云。鐵勒者。古部族之號。奚有其地。號稱鐵勒州。又書作鐵驪州。奚有五世族。世與遼人爲昏。因附姓述律氏中。

吐谷渾

會海善華曰。吐谷渾。本遼東鮮卑也。西晉時。酋帥徒何涉歸有二子。長曰吐谷渾。少曰若洛廐。代統部落。別爲慕容氏。渾庶長廐正嫡。父在時。分七百戶與渾。渾與廐二部俱牧馬。馬鬪相傷。渾擁馬西行。乃附陰山。屬永嘉之亂。始度隴西。止於枹罕。而後子孫據有甘松之南。洮水之西。南極於白蘭。在益州西北。有青海。周回千餘里。海中有小山。每冬冰合後。以良牝馬置此山。至來冬收之。馬有孕。所生得駒。號曰龍種。時稱青海驄焉。至其孫葉延。以禮云。公孫之子。得以王父字爲氏。吾祖始自昌黎。先宅於此。今以吐谷渾爲氏。尊祖之義也。

吐渾

五代會要曰。吐渾。本吐谷渾也。唐咸通中。酋長有赫連鐸者。從太原節度使康承訓。平徐方有功。朝廷授振武節度使。復盜據雲中。後唐太祖逐之。乃歸幽州。李匡濟其部族散居蔚州界。立爲酋長。有白承福者。同光初。代爲都督。依中山。地石門爲柵。莊宗賜其額爲寧朔。奉化兩府。以都督爲節度使。仍賜承

福姓李，名紹魯。晉高祖天福元年，高祖以契丹有助立之功，割鴈門已北及幽州之地以賂之。繇是吐渾部族皆隸於契丹。其後苦契丹之虐政，部族皆怨之。復爲鎮州節度使安重榮所誘，乃背契丹，率車帳羊馬取五臺路歸國。契丹大怒，以朝廷招納叛亡，遣使責誚。六年正月，晉高祖命供奉官張澄率兵二千，搜索并鎮，忻代四州山谷吐渾，還其舊地。

突厥。

陷北記曰：契丹西則突厥，回紇，西北至嫺厥律。其人長大，髦頭，酋長全其髮，盛以紫囊。地苦寒，水出大魚，契丹仰食。又多黑白黃貂鼠皮，北方諸國皆仰之。其人最勇，鄰國不敢侵。又其西轄戛，又其北單于突厥，皆與嫺厥律略同。○冊府元龜曰：突厥者，蓋匈奴之別種，居金山之陽。金山形以兜鍪，其俗謂兜鍪爲突厥，因以爲號。

沙州燉煌王曹壽，沙州回鶻曹順。

五代史曰：沙州梁開平中有節度使張奉，自號金山白衣天子。至唐莊宗時，回鶻來朝，沙州留後曹義金亦遣使附回鶻以來。莊宗拜義金爲歸義軍節度使，瓜沙等州觀察處置等使。○文獻通考曰：沙州留後曹義金卒，子元忠嗣。宋太平興國五年，元忠卒。咸平四年，封子延祿爲譙郡王。五年，延祿爲從子宗壽所害。宗壽權知留後，表求旌節，乃授宗壽節度使。子賢順爲衙內都指揮使。大中祥符末，宗壽卒，授賢順本軍節度。

鶻案曹氏父子遼史去宗賢二字避廟諱也。

女直國。

無名氏北風揚沙錄曰。金國本名朱里真。番音譌爲女真。或曰慮直。避契丹興宗宗真名。又曰女直。肅慎氏之遺種。而渤海之別族也。或曰三韓辰韓之後。姓挈氏。唐貞觀中。靺鞨來中國。始聞女真之名。世居混同江之東。長白山。鴨綠水之源。南鄰高麗。北接室韋。西界渤海鐵驪。東瀕海。三國志所謂挹婁。元魏所謂勿吉。唐所謂黑水靺鞨者。今其地有七十二部落相統制。契丹阿保機乘唐衰。興北方。吞諸蕃。三十六女真在其中。阿保機恐女真爲患。誘豪右數千家。遷之遼陽之南。而著籍焉。使不得與本國通。謂之合蘇款。自威州東北分界八室口至東洙江。中間所居之女真。隸契丹威州兵馬司。與其國往來無禁。謂之回霸。合蘇款者。熟女真也。回霸者。非熟女真。亦非生女真也。自東江之北。寧江之東。地方千餘里。戶十餘萬。無大君長。亦無國名。散居山谷間。自推豪傑爲酋長。小者千戶。大者數千。則謂之生女真。七十二部落之一也。僻處契丹東隅。地多山林。屋無瓦。覆以板。或樺皮。牆壁亦木爲之。產名馬。生金大珠。頗事耕藝。而不蠶桑。人多衣布。冬極寒。盛夏如中國。十月時。屋才高數尺。獨開向南一扉。扉掩。復以竹網繆之。環室爲土牀。熾火其下。而寢食起居其上。衣厚毛爲衣。非入室不徹衣。履稍薄。則墮指裂膚。臣屬契丹二百餘年。世襲節度使封號。兄弟相傳。周而復始。間歲以北珠貂革名馬良犬爲貢。亦服叛不常。契丹謂之女真。但羈縻而已。俗勇悍。耐飢渴。苦辛。騎上下山崖如飛。濟江河不用舟楫。浮馬而

渡人皆辮髮。與契丹異。耳垂金環。留顛後髮。以色絲繫之。富人用珠金爲飾。男子亦衣紅黃。與婦人無別。嗜酒而好殺。無常居。善爲鹿鳴呼鹿而射之。生啖其肉。醉則縛而俟其醒。不爾殺人。雖父母不辨也。與契丹言語不通。而無文字。賦斂調發。刻箭爲號。事急者三刻之。謂好爲賊。不好爲刺。撒謂酒爲敦。蘇謂檮殺爲蒙。山不屈花不刺。官之等者。以九曜二十八宿爲號。職皆曰勃極列。猶中國總管。皆糾官也。自五戶勃極列。推而上之。至萬戶。皆自統兵。緩則射獵。急則出戰。宗室皆謂之郎君。事無大小。必以郎君總之。如奴隸。凡用兵戈爲前行。號曰硬軍。人馬皆全甲。刀檣自副。弓矢在後。設而不發。非五十步不射。弓力不過七斗。箭鏃至六七尺。形如鑿。入不可出。人攜不滿百枝。其法五十百皆有。長五長擊柝。十長執旗。百長挾鼓。千人將則旗幟金鼓皆備。五長戰死。四人皆斬。十長戰死。五長皆斬。千長戰死。百長皆斬。能負軍伍戰沒之屍以歸。卽得其家貲。凡將皆不執旗。人視其所向而趨。自主帥至卒。皆自馭。無從者。以粟粥燔肉爲食。上下無異品。國有大事。適野環坐。畫灰而議。自卑者始。議畢。卽漫滅之。不聞人聲。其密如此。軍將行。大會而飲。使人獻策。主帥聽而擇焉。其合者。卽爲特將。任其事。師還。有大會。問有功者。與之金。舉以示衆。衆以爲薄。復增之。法令嚴。殺人者死。仍沒其家人爲奴婢。親戚欲得。則輸牛馬贖之。盜一責十。以六歸主。而四輸官。其他罪無輕重。悉笞背。有一州則一州之官許專決。守一縣則一縣之官許專決。取民錢者無罪。凡有官者。將缺。坐之廊。賜以酒。官等者於缺上。以杖復視事如故。本朝建隆二年。始遣使來朝。貢方物名馬貂皮。

鶚案。取民錢以下。寫本有誤。不可考矣。

朱翌猗覺寮雜記曰。頃年契丹加兵女真。女真衆裁萬人。所居有灰城。以水沃其壁。凝凍成冰。距城三百里。焚其積聚。其人散居山林以待之。契丹至。則城不可攻。野無所取。遂退兵。女真卽出襲敗之。殺傷甚衆。○東夷考略曰。五代時。契丹盡取渤海地。而黑水靺鞨因附屬。阿保機遷其豪數千家於遼陽南。曰合蘇館。由是黑水部落。在南者籍契丹。號熟女真。在北者不入籍。號生女真。後避興宗諱。改女直。地有混同江。長白山。混同江。水色微黑。亦名黑龍江。卽粟末河發源。太白者。太白山。一名長白。橫亙百里。巔有水源。下注成湖。出東珠。貴者直千金。南流爲鴨綠江。北流爲混同江。達五國城東。入於海。其出北山。南流入松花江。是爲白山黑水。金所繇開國也。

于闐國

五代史曰。于闐國。去京師萬里外。其國西南近蔥嶺。與婆羅門爲鄰國。而相去猶三千餘里。南接吐蕃。西北至疏勒二千餘里。晉天福三年。于闐國王李聖天遣使者馬繼榮來貢紅鹽。鬱金。鬘牛尾。玉甌等。晉遣供奉官張匡鄴假鴻臚卿。彰武軍節度判官高居誨爲判官。冊聖天爲大寶于闐國王。是歲冬十二月。匡鄴等自靈州行。二歲至于闐。至七年冬。乃還。而居誨頗記其往復所見山川諸國。而不能道聖天世次也。居誨記曰。自靈州過黃河。行三十里。始涉沙入党項界。曰細腰沙。神樹沙。三公沙。宿月支都督帳。自此沙行四百餘里。至黑堡沙。沙尤廣。遂登沙嶺。沙嶺。党項牙也。其會曰揔崖。天子渡白亭河。至

涼州自涼州西行五百里至甘州。甘州，回鶻牙也。其南山百餘里，漢小月支之故地也。有別族，號鹿角山沙陀。云朱耶氏之遺族也。自甘州西始涉磧，磧無水，載水以行。甘州人教晉使者作馬蹏，本澀木，澀四竅，馬蹏亦鑿四竅而綴之。駝蹏則包以犛牛皮，乃可行。西北五百里至肅州，渡金河。西百里出天門關。又西百里出玉門關，經吐蕃界。吐蕃男子冠中國帽，婦人辮髮戴瑟瑟珠。云珠之好者，一珠易一良馬。西至瓜州、沙州二州，多中國人。聞晉使者來，其刺史曹元深等郊迎，問使者。天子起居，瓜州南十里鳴沙山。山冬夏殷殷有聲如雷。云禹貢流沙也。又東南十里三危山。云三苗之所竄也。其西渡都鄉河，曰陽關。沙州西曰仲雲。其牙帳居胡盧磧。云仲雲者，小月支之遺種也。其人勇而好戰。瓜沙之人皆憚之。胡盧磧，漢明帝時征匈奴屯田於吾盧，蓋其地也。地無水而常寒，多雪。每天煥雪銷，乃得水。匡鄴等西行入仲雲界，至大屯城。仲雲遣宰相四人都督三十七人候晉使者。匡鄴等以詔書慰諭之。皆東向拜。自仲雲界西始涉磧，磧無水，掘地得溼沙。人置之，曾以止渴。又西渡陷河，伐檉置冰中，乃渡。不然則陷。又西至紺州。紺州，于闐所置也。在沙州西南。云去京師九千五百里矣。又行二日至安軍州。遂至于闐。聖天衣冠如中國。其殿皆東向。曰金冊殿。有樓曰七鳳樓。以蒲桃爲酒。又有紫酒、青酒。不知其所釀。而味尤美。其食，稷沃以蜜，粟沃以酪。其衣布帛，有園圃花木。俗喜鬼神而好佛。聖天居處，常以紫衣僧五十人列侍。其年號，同慶二十九年。其國東南曰銀州，盧州，涇州。其南千三百里曰玉州。云漢張騫所窮河源出于闐，而山多玉者此也。其河源所出，至于闐分爲三。東曰白玉河，西曰綠玉河，又西曰烏玉

河。三河皆有玉而色異。每歲秋水涸。國王撈玉於河。然後國人得撈玉。
高昌國。

揮塵前錄曰。太平興國六年五月。詔遣供奉官王延德。殿前承旨白勳。使高昌。雍熙元年四月。延德等叙其行程來上云。初自夏州歷玉亭鎮。次歷黃羊平。其地平而產黃羊。度沙磧無水。行人皆載水。凡二日。次都囉囉族。漢使過者。遺以財貨。謂之打當。次歷茅家。嗚子族。臨黃河。以羊皮爲囊。吹氣實之。浮於水。或以橐駝牽木棧而渡。次歷茅女。王子開道。族行入六窠沙。沙深三尺。馬不能行。行者皆乘橐駝。不育五穀。沙中生草名登相。收之以食。次歷樓子山。無居人。行沙磧中。以日爲占。旦則背日。暮則向日。日下則止。又行。望月亦如之。次歷臥羊梁。劾特族。地有都督山。唐回鶻之地。次歷太子大蟲族。接契丹界。人衣尙錦繡。器用金銀。馬乳釀酒。飲之亦醉。次歷屋地目族。蓋達千于越王之子。次至達千于越王子族。此九族。達靺中尤尊者。次歷拽利王子族。有合羅川。唐回鶻公主所居之地。城基尙在。有湯泉池。傳曰。契丹舊爲回紇牧羊。達靺舊爲回紇牧牛。回紇徙甘州。契丹達靺遂各爭長。攻戰。次歷阿墩族。經馬驪山。望鄉嶺。嶺上石庵。有李陵題字處。次歷格囉美源。西方百川所會。極望無際。鷗鷺鳧鴈之類甚衆。次至托邊城。亦名李僕射城。城中首領號通天王。次歷小石州。次歷伊州。州將陳氏。其先自唐開元二年。領州凡數十世。唐時詔敕尙在地。有野蠶。生苦參。上可爲絛帛。有羊尾大而不能走。尾重者三斤。小者一斤。肉如熊白而甚美。又有礪石。剖之得寶鐵。謂之喫鐵石。又有胡桐樹。經雨卽生胡桐律。次歷益

都次歷納職城在大患鬼魅磧之東南望玉門關甚近地無水草載糧以行凡三日至思谷曰避風驛本俗法試出詔押御風風乃息凡八日至澤田寺高昌聞使至遣人來迎次歷寶莊又歷六鍾乃至高昌高昌卽西州也其地南距于闐西南距大食波斯西距西天步露沙雪山蔥嶺皆數千里地無雨雪而極熱每盛暑人皆穿地爲穴以處飛鳥羣萃河濱或飛起卽爲日氣所鑠墜而傷翼屋室覆以白堊開寶二年雨及五寸卽廬舍多壞有水出金嶺導之周繞國城以溉田園作水磴地產五穀惟無蕎麥貴人食馬餘食牛及鳧鴈樂多箜篌出貂鼠白氈繡文花氎布俗多騎射婦人戴油帽謂之蘇幕遮用開元七年歷以三月九日爲寒食餘二社冬至亦然以銀或鎊爲筒貯水激以相射或以水交潑爲戲謂之壓陽氣去病好遊賞行者必抱樂器佛寺五十餘區皆唐朝所賜額寺中有大藏經唐韻玉篇經音等居民春月多遊羣聚邀樂於其間遊者馬上持弓矢射諸物謂之禳災有敕書樓藏唐太宗明皇御札詔敕緘鎖甚謹後有摩尼寺波斯僧各持其法佛經所謂外道者也統有南突厥北突厥大衆熨小衆熨樣磨割祿黠戛司末蠻格哆族預龍族之名甚衆國中無貧民絕食者共振之人多壽考率百餘歲絕無天死時四月獅子王避暑於北廷以其舅阿多于越守國先遣人致意於延德曰我王舅也使者拜我乎延德曰持朝命而來禮不當拜復問曰見王拜乎延德曰禮亦不當拜阿多于越復數日始出相見然其禮頗恭獅子王邀延德至其北廷歷交河州凡六日至金嶺口寶貨所出又兩日至漢家寨又五日上金嶺溫嶺卽多雨雪上有龍王刻石記云小雪山也嶺上有積雪行人皆服毛罽度嶺

一日至北廷。憩高臺寺。其王烹羊馬以具膳。尤豐潔。地多馬。王及王后。太子各養馬。牧放於平川中。彌互百餘里。以毛色分別爲羣。莫知其數。北廷川長廣數千里。鷹鷂鵬鵠之所生。多美草。下生花砂鼠。大如鵝。鷲禽捕食之。其王遣人來言。擇日以見使者。願無訝其淹久。至七日。見其王及王子侍者。皆東向拜受賜。旁有持磬者。擊以節拜。王聞磬聲。乃拜。旣而王之兒女親屬。皆出羅拜以受賜。遂張樂飲宴。爲優戲。至暮。明日。汎舟於池中。池四面作鼓樂。又明日遊佛寺。曰應運泰寧之寺。貞觀十四年造。北廷北山中出礪砂。山中常有煙氣涌起。而無雲霧。且又光燄若炬。照見禽鼠皆赤。采礪砂者。著木底鞵。若皮爲底者。卽焦。下有穴生青泥。出穴外卽變爲砂石。土人取以治皮。城中多樓臺草木。人白皙端正。性工巧。善冶金銀銅鐵爲器及攻玉。善馬直絹一匹。其駑馬充食者。纔直一丈。貧者皆食肉。西抵安西。卽唐之西境。七月。令延德先還其國。其王九月始至。亦聞有契丹使來。脣缺。以銀葉蔽之。謂其王曰。聞漢遣使入達靺。而道出王境。誘王窺邊。宜早送至達靺。無使久留。因云。高昌本漢土。漢使來覘視封域。將有異圖。王當察之。延德偵知其語。因謂王曰。犬戎數不順中國。今乃反間。我欲殺之。王固勸乃止。自六年五月離京師。七年四月至高昌。所歷以詔賜諸蕃君長襲衣金帶繒帛。八年春。與其謝恩使凡百餘人。復循舊路而還。雍熙元年四月。至京師。延德初至達靺之境。頗見晉末陷虜者之子孫。咸相率遮迎獻飲食。問其鄉里親戚。意甚悽感。留旬日。不得去。延德之自叙云。○契丹國志曰。高昌都交河城。漢車師前王庭也。四面多大山。晉以其地爲高昌郡。地石磧。氣候溫燠。厥土良沃。麥一歲再熟。宜蠶。有草名羊。